

KJKP "VODOVOD I KANALIZACIJA" d.o.o. SARAJEVO
DIREKTOR
Izvod broj: 113/17

Sarajevo, 22.01.2018. godine

Na osnovu člana 69. stav 2. tačka d) i člana 70. stav 1. 4. i 6. Zakona o javnim nabavkama (Sl. glasnik BiH br. 39/14), člana 27. Pravilnika o nabavci roba, vršenju usluga i ustupanju radova KJKP "Vodovod i kanalizacija" d.o.o. Sarajevo i člana 41. Statuta preduzeća, na preporuku Komisije za javnu nabavku broj 113/17 od 10.01.2018. godine, u postupku javne nabavke br. 113/17 „Rezervni dijelovi za specijalno kombinovana vozila“. donosi se :

ODLUKA

o poništenju postupka javne nabavke

Član 1.

Poništava se postupak javne nabavke broj 113/17 za nabavku roba : „**Rezervni dijelovi za specijalno kombinovana vozila**“ iz razloga što nijedna od primljenih ponuda nije prihvatljiva a sve u skladu sa odredbama člana 69. stav 2. tačka d) ZJN.

Član 2.

Ova odluka objavit će se na web stanici : www.viksa.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj : 113/17 od 11.12.2017.godine.

Javna nabavka je provedena putem konkurentskog zahtjeva za dostavu ponuda.

Procijenjena vrijednost javne nabavke bez PDV-a iznosi : 280.000,00 KM.

Obavještenje o nabavci broj: 247-1-1-219-3-272/17 poslato je na objavljivanje na Portal javnih nabavki dana 18.12.2017.godine a sažetak obavještenja o nabavci objavljen je u Sl. glasniku BiH broj : 90. od 22.12.2018. godine.

Komisija za javnu nabavku imenovana je Rješenjem br. 293/16 od 03.11.2016.g., Rješenje o produženju mandata članova Komisije za javne nabavke broj: 17-11-01/17 od 17.11.2017. godine i dopunskim Rješenjem članova komisije broj 113/17-1 od 11.12.2017.g.

Komisija za javnu nabavku dostavila je dana 17.01.2018.g. Preporuku o poništenju postupka javne nabavke roba : „Rezervni dijelovi za specijalno kombinovana vozila“ tender broj 113/17.

Komisija za javnu nabavku je sačinila odgovarajuće zapisnike u kojima je utvrđeno sljedeće:

- Za predmetnu javnu nabavku dostavljena: 1 (jedna) ponuda ponuđača: „Autoelektra“ d.o.o. Sarajevo
- Da je blagovremeno zaprimljena: 1 (jedna) ponuda – „Autoelektra“ d.o.o. Sarajevo
- Da nije bilo neblagovremeno zaprimljenih ponuda.

Komisija je utvrdila da dostavljena ponuda ponuđača : „Autoelektra“ d.o.o. Sarajevo ispunjava zahtijevane tenderske uslove prema obliku i potpunosti u smislu pripreme ponude.

Pregledom ponude ponuđača „Autoelektra“ d.o.o. Sarajevo, konstatovano je da isti ispunjava kvalifikacione uslove, obzirom na iskazane zahtjeve ugovornog organa u tenderskoj dokumentaciji.

Daljim pregledom ponude ponuđača „Autoelektra“ d.o.o. Sarajevo, konstatovano je da navedeni ponuđač u „Obrascu za cijenu ponude“ - Aneks III, Prilog 2., za stavku 6. „Ukupna cijena ponude bez PDV-a“ (sa svim uključenim taksama, carinama, osiguranjem i drugim dažbinama datim na paritetu fco skladište ugovornog organa)“ uradio ispravku cijene ali ispravka nije potvrđena potpisom ponuđača, i time nije postupio u skladu sa zahtjevom ugovornog organa iz tačke 17.1 tenderske dokumentacije „*Priprema ponude*“, u okviru koje je navedeno sljedeće : „Ispravke u ponudi moraju biti izrađene na način da su vidljive i potvrđene potpisom ponuđača“.

Obzirom na navedeno, Komisija je konstatovala da ponuđač „Autoelektra“ d.o.o. Sarajevo ne ispunjava zahtjeve ugovornog organa tražene tenderskom dokumentacijom, zbog čega se ponuda ovog ponuđača odbacuje kao neprihvatljiva, a sve u skladu sa odredbama člana 68. stav (4) pod i) Zakona o javnim nabavkama.

Polazeći od gore navedenih konstatacija i činjenice da za predmetnu nabavku nijedna od primljenih ponuda nije prihvatljiva, primjenom člana 69. stav 2. tačka d) ZJN, donesena je Odluka o poništenju postupka kao u članu 1. ove odluke.

Pouka o pravnom lijeku:

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti:

- a/a



v.d. Direktor

Azra Muzur, dipl.inž.građ.

St
Maduc!
m